



Tusagassiorfinnut nalunaarut Pressemeddelelse

Kinguaassiutitigut atonerluisarneq naaggaaruk!

PAARISA'p Kalaallit Nunaanni meeqqat atuariiini atuartut ilinniartitsisullu, pingasunngorneq 28. februar nal. 13.00 meeqqat timiminnut aalajangiisinnaassuseqarnerat pillugu oqariartuutip malunnartinniarneqarnerani pisussanut peqataaqullugit kajumissaarpai.

Kajumissaarut nuna tamakkerlugu meeqqanik atonerluisarneq pillugu paasisitsiniaanermut ilaavoq.

PAARISA januarip qaammataata ingerlanerani atortussianik meeqqat piginnaatitaaffii pillugit oqariartuummut ikorfartuisuusunik, atuarfinnilu ulloq taanna pisussanut atorneqarsinnaasunik nassiusuikuuvoq. Atortussiat makkuupput:

- Ullorsiutit klassimi nivinngarneqarsinnaasut, FN'p meeqqat pisinnaatitaaffii pillugit isumaqatigiissutaa pillugu allaaserisat immikkut toqqarneqarsimasut. Ullorsiutit pissanganartunik, meeqqat pisinnaatitaaffii pillugit oqaloqatigiinnissamut tunngaviusinnaasunik, assiliartalersugaapput.
- Mærkit nipitittakkat saqqarmiuusallut (badges) ima allassimasut: "Meeqqanik atonerluineq unitsiguk"
- Saqqarmiuuqqat paasisitsiniaanerup ilisarnaataanik assiliartallit: naasunnguaq orangiaasoq qeqqani aappalaartumik uummatitalik aamma
- Allagartat assigiinngitsunik ullorsiutineersunik assiliartallit aammalu meeqqanik atonerluisarneq pillugu oqaloqatigiinnissamik kajumissaarisut.

Atuariit ulloq pisoqarfiusoq allagartat nunagisaminni agguaasinnaavaat. Saniatigut aamma atuartut ilinniartitsisullu ataatsimoorullugu sammisassanik nutaanik pilersitsinissaat kajumissaarutigineqarpoq, tassa meeqqap nammineq timiminut aalajangiisinnaassuseqarneranik oqariartuummut ikorfartuisunik, takorluuisinnaaneq kisimi iliuuserineqarsinnaasunut killiliisuusinnaavoq.

Atuartut ataatsimoorlutik kikkunnut tamanut piginnaatitaaffimminnik malunnartitsiniarnermikkut, ajoraluartumik nunami maani meeqqat kinguaassiutitigut nakuuserfigineqartarnerat piviusuusoq pilugu oqaloqatigiinnissamut qaaqquuseruvoq. Ilutigitillugu aamma paquminartut pillugit oqallittoqassatillugu, meeqqat ataatsimoorlutik iliuuseqarnermikkut atuarfimmi inooqatigiinnermi ataatsimoorinnissamut ilasisuupput. Minnerunngitsumik atuartut ataasiakkaat naminneq killiliisinnaanerminnut tatiginerat nukittorsarneqassaaq.

PAARISA'p 28. februar pisoqareernerata kingorna kinguaassiutitigut atonerluisarneq pillugu sammisaqarnerup atuarfinni ingerlatinneqaannarnissaa

27. februar 2007
Postboks 1160
3900 Nuuk
Oq/tel +299 34 50 00
Fax +299 32 55 05
peqqip@gh.gl
www.nanoq.gl/peqqik
www.peqqik.gl

innersuussutigaa aammalu atortussiat pioreersut Red Barnet-illu nittartagaaniittut aallaavittut atorneqarnissaat kajumissaarutigalugu.

PAARISA'p, MOVING MINDS aamma inuk Media ApS'p suleqatigiinnerisigut atortussiat assigiinngitsut atuarfinnut nassiussuunneqarput.

Annertunerusumik paasisaqarumaguit PAARISA-mi siunnersorti Anita Johansen telefon +299 346676 imaluunniit e-mail ANIJ@gh.gl atorlugu saaffiginnissinnaavutit.